

HEIJ KOSS WAT!

En Kuj wor krank — denn Tierarz dor —
et erste mol op dessen Hoff heij wor.
Heij wor noch nej — on ennen jongen Mann,
denn Bur keek öm mestrauesch an.
Denn aalen Vetrenärrat! — jo — denn Bur gut woss,
dat wor en Mann, denn well wat koss,
mär denn wor nit mär dor, had Schluß gemack,
on onsen nejen Dokter miek dij Saak.

Denn Bur geht mät öm in denn Kujstall rin
on denk bej sech: „Nau well ek doch ös sin,
aff heij wat van dij Bester kennt,
aff heij dat kranke Dier ok fend?“
Dat stoon äs letste in dij lange Reij,
on äs denn Doktor tuj denn Bur nau seij:
„Nun wollen wir mal schauen nach dem kranken Tier,
wo ist es denn?“ seij onsen Bur nit: „Hier!“
nä, nä, heij miek en kluk Gesech
on seij: „Dun't mär oj Flech,
wenn't geij wellt Doktor sin, kann et nit schwor oj fallen,
dat rechte Bees äs krank hier antekallen!“

Denn Tierarz seij ken Ton, heij schmunzelt bloß,
on oogenbleks ging nau sin Arbeit loß.
Heij keek dij Kōj all nor — van achtern on van vör,
heij lustert an denn Päns — aff dor wat wör,
heij keek ör in de Mull on in dat Oog,
on keek sech an, wat achtern ör so loog,
heij fühlt dij Ohren, aff sej Fieber ok. — —

Denn Bur sech in dij Tid en Pippken schmok. —

All negentin Dieren had denn Doktor ondersük,
nau wor bloß noch een Stöck torück.

Denn Dokter had gau fassgestellt,
dat desse Kuj had wat gekwält,
ör Ohren on ör Hönder woren heed,
on op ör Plats neks Fresches leet,
Denn Doktor woss gau, wat hier wor te maken,
on onsen Bur meent: „Heij versteht sin Saaken!“

On stolz heij op sin Infall wor,
dat heij denn Dokter had gemack sin Arbeit schwor.

Mär stellkes worden heij nor en'ge Tid,
äs heij dij Räknong van denn Tierarz sütt:

„Für tierärztliche Mühen: Zwanzig Kühe untersucht,
pro Stück fünf Mark — hab' hundert DM ich verbucht.“